

## MEMORIA XUSTIFICATIVA DO “CONVENIO DE COLABORACIÓN ENTRE A ADMINISTRACIÓN XERAL DA COMUNIDADE AUTÓNOMA DE GALICIA A TRAVÉS DA CONSELLERÍA DO MEDIO RURAL E AS ENTIDADES FINANCEIRAS PARA FACILITAR OS PRÉSTAMOS DE CAMPAÑA 2020 A ADEGAS, GARANTIDOS POLO INSTRUMENTO FINANCEIRO DE XESTIÓN CENTRALIZADA”

(1) A Consellería do Medio Rural, consonte o establecido no Decreto 149/2018, do 5 de decembro, é o órgano da Administración autonómica que ten atribuído o exercicio das competencias no ámbito rural, que engloba as competencias en materia de agricultura, gandaría, desenvolvemento rural e ordenación comarcal, estruturas rurais, industrias alimentarias, montes, prevención e defensa dos incendios forestais.

No mencionado ámbito material, constitúe un dos obxectivos fomentar a competitividade da agricultura e lograr un desenvolvemento territorial equilibrado das economías e comunidades rurais incluíndo a creación e conservación do emprego.

### (2) **Antecedentes.**

O Marco Nacional de Desenvolvemento Rural aprobado pola Comisión Europea, mediante Decisión do 13 de febreiro de 2015, en aplicación do disposto no Regulamento (UE) nº 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e da Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca, e derrógase o Regulamento (CE) nº 1083/2006 do Consello, inclúe no seu apartado 5 un instrumento financeiro plurirrexional de adhesión voluntaria destinado a financiar determinadas actuacións contidas nos programas de desenvolvemento rural.



Por outra parte, as medidas do Programa de Desenvolvemento Rural de Galicia 2014-2020 ás que corresponden as actuacións que poden ser obxecto de financiamento a través do instrumento financeiro, inclúen entre outras a medida 4.2 (investimentos en transformación/comercialización e/ou desenvolvemento de produtos agrícolas). Nesta medida figura establecida a posibilidade de garantir con fondos Feader préstamos destinados ao capital circulante de empresas agroalimentarias, en aplicación do Regulamento (UE) 2020/558 do Parlamento Europeo e do Consello, do 23 de abril de 2020 polo que se modifican os Regulamentos (UE) 1301/2013 e (UE) 1303/2013 no que respecta a medidas específicas para ofrecer unha flexibilidade excepcional no uso dos Fondos Estruturais e de Investimento Europeos en resposta ao brote de COVID-19. Este regulamento establece que cando os instrumentos financeiros presten axuda en forma de capital de explotación ás pequenas e medianas empresas (Pemes), esa axuda tamén poderá prestarse con cargo ao Feader no marco das medidas recollidas no Regulamento (UE) 1305/2013 e pertinentes para a execución dos instrumentos financeiros. Os devanditos gastos subvencionables non poderán superar os 200 000 EUR.

En aplicación do indicado, o Marco Nacional de Desenvolvemento Rural aprobado pola Comisión Europea, mediante Decisión de 13 de febreiro de 2015, inclúe no seu apartado 5 un instrumento financeiro plurirrexional de adhesión voluntaria destinado a financiar determinadas actuacións contidas nos programas de desenvolvemento rural, mediante a concesión de préstamos garantidos para o seu financiamento. Este instrumento articúlase mediante acordos específicos de financiamento establecidos entre o Ministerio de Agricultura, Pesca, e Alimentación (MAPA), a Sociedade Anónima Estatal de Caución Agraria (SAECA), e as Comunidades Autónomas.

Procedimentalmente, o recoñecemento do dereito a estes préstamos garantidos caracterízase pola participación das entidades financeiras, que deben estar adheridas ao instrumento financeiro a través do correspondente convenio co MAPA, así como a un convenio específico coa Consellería do Medio Rural ao ser entidades colaboradoras na xestión das solicitudes de recoñecemento do dereito a préstamo garantido polo devandito instrumento financeiro. Estes préstamos intégranse nun instrumento de garantía de carteira con límite máximo, proporcionando aos destinatarios finais a



cobertura do risco de falta de pagamento para cada préstamo. Os trazos da carteira son unha taxa de garantía préstamo a préstamo, establecida no 80%, contía á que fará fronte o instrumento ante unha primeira perda, de modo que o 20% do importe impagado será asumido pola entidade financeira concedente do préstamo e o 80% restante polo instrumento financeiro, e unha taxa do límite máximo da garantía, establecida no 20% da carteira, que é a porcentaxe da carteira que cubrirá o instrumento financeiro, limitando o volume total de préstamos que poden ser garantidos.

Por outra parte, a Consellería do Medio Rural publicou o día 20 de novembro de 2020 no DOG a Orde do 18 de novembro de 2020, pola que se regula o procedemento para o recoñecemento a adegas do dereito a préstamos de campaña no ano 2020 garantidos polo instrumento financeiro de xestión centralizada FEADER 2014-2020, no marco do Programa de Desenvolvemento Rural de Galicia 2014-2020, cofinanciado polo Fondo Europeo Agrícola de Desenvolvemento Rural (FEADER) (código de procedemento MR364A). Esta orde indica no seu artigo 4 que na xestión deste procedemento poderán participar como entidades colaboradoras as entidades financeiras que subscribisen co Ministerio de Agricultura, Pesca e Alimentación o convenio de colaboración para facilitar os préstamos garantidos polo instrumento financeiro de xestión centralizada, sempre que formalicen un convenio de colaboración específico coa Consellería.

Por todo o indicado, para articular a xestión desta liña de axudas é necesario asinar acordos de colaboración con entidades financeiras.

### (3) **Finalidade.**

Para os efectos sinalados, tense previsto formalizar coas entidades financeiras interesadas o instrumento convencional arriba referido por un período de vixencia que abrangue dende o día da sinatura do convenio ata o día 31 de xullo de 2021.

(4) O convenio ten por obxecto establecer a forma e condicións nas que se desenvolverá a colaboración entre a Consellería do Medio Rural e as entidades financeiras interesadas, para facilitar o acceso ao financiamento do capital circulante das adegas na campaña 2020, mediante a habilitación de préstamos de campaña garantidos polo



instrumento financeiro de xestión centralizada (IFXC) FEADER 2014-2020, regulados pola Orde de Convocatoria.

(5) O instrumento convencional que se pretende asinar fundaméntase no seguinte:

- Marco Nacional de Desenvolvemento Rural, aprobado pola Comisión Europea mediante Decisión do 13 de febreiro de 2015 -en aplicación do disposto no Regulamento (UE) nº 1303/2013 do Parlamento Europeo e do Consello, do 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión, ao Fondo Europeo Agrícola de Desenvolvemento Rural e ao Fondo Europeo Marítimo e da Pesca, e polo que se establecen disposicións xerais relativas ao Fondo Europeo de Desenvolvemento Rexional, ao Fondo Social Europeo, ao Fondo de Cohesión e ao Fondo Europeo Marítimo e da Pesca, e derrógase o Regulamento (CE) nº 1083/2006 do Consello e no Regulamento (UE) nº 1305/2013 do Parlamento Europeo e do Consello, do 17 de decembro de 2013, relativo á axuda ao desenvolvemento rural a través do Fondo Europeo Agrícola de Desenvolvemento Rural ( Feader) e polo que se derroga o Regulamento (CE) nº 1698/2005 do Consello.
- Programa de desenvolvemento rural de Galicia 2014\_2020 (PDR), aprobado por Decisión de Execución da Comisión C (2015) 8144, do 18 de novembro de 2015 e modificado por Decisión de Execución da Comisión C (2020) 5734 final, do 30 de xullo de 2020.
- Orde do 18 de novembro de 2020, pola que se regula o procedemento para o recoñecemento a adegas do dereito a préstamos de campaña no ano 2020 garantidos polo instrumento financeiro de xestión centralizada FEADER 2014-2020, no marco do Programa de Desenvolvemento Rural de Galicia 2014-2020, cofinanciado polo Fondo Europeo Agrícola de Desenvolvemento Rural (FEADER) (código de procedemento MR364A)



(6) Polo exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo co previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para a tramitación deste convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.

Santiago de Compostela,

O director xeral de Gandaría, Agricultura e Industrias Agroalimentarias

Asinado electrónicamente

Silvestre José Balseiros Guinarte

